



Broj: 04-14-32325-6/18
Sarajevo, 10.12.2018.godine

Na osnovu člana 69. stav 2. tačka d) i člana 70. Zakona o javnim nabavkama Bosne i Hercegovine („Sl. glasnik BiH“, broj: 39/14), i čl. 56 Zakona o organizaciji organa uprave u FBiH („Službene novine FBiH“, br.35/05), ministar saobraćaja Kantona Sarajevo na preporuku Komisije za javnu nabavku donosi:

O D L U K U **o poništenju postupka javne nabavke**

1. Poništava se otvoreni postupak javne nabavke za sanaciju tramvajske pruge na dionici “S” krivina-tramvajsko stajalište Marijin dvor objavljenog na portalu javnih nabavki pod rednim brojem 1242-1-3-21-3-25/18 od 24.09.2018. godine, jer nijedna od primljenih ponuda nije prihvatljiva za predmetnu nabavku.
2. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama Bosne i Hercegovine („Sl. glasnik BiH“, broj 39/14).

O b r a z l o ž e n j e

Poništava se postupak javne nabavke pokrenut Odlukom o pokretanju postupka broj: 04-14-32325-1/18 od 14.09.2018.godine. Javna nabavka je provedena u otvorenom postupku u skladu sa članom 25. Zakona o javnim nabavkama. Ugovorni organ je objavio obavještenje sanaciju tramvajske pruge na dionici “S” krivina-tramvajsko stajalište Marijin dvor broj obavještenja objavljenog na portalu javnih nabavki pod rednim brojem 1242-1-3-21-3-25/18 od 24.09.2018. godine.

Zapisnikom o otvaranju ponuda od 09.11.2018.godine komisija je evidentirala da su u predviđenom roku pristigle ponude ponuđača Konzorcij Aspo Rail d.o.o. Sarajevo i Željo d.o.o. Konjic i Konzorcij Euro-asfalt d.o.o. Sarajevo i Bin-ing d.o.o. Beograd

U Zapisniku o pregledu i ocjeni ponuda br: 04-14-3235-5/18 od 10.12.2018.godine Komisija je utvrdila da pristigle ponude nisu prihvatljive, odnosno da iste ne ispunjavaju kvalifikacione uslove zahtijevane tenderskom dokumentacijom kako slijedi:

1) Ponuđač Konzorcij Aspo Rail d.o.o. Sarajevo i Željo d.o.o. Konjic, nije ispunio uvjet iz tenderske dokumentacije a koji se odnosi na tražene dokaze o tehničkoj i profesionalnoj sposobnosti, prema zahtjevima iz tenderske dokumentacije- član 48.-51.

A) Ponuđač je dužan da u skladu sa članom 51. tačka a) obezbjediti dokaze da je u posljednje tri godine (2015., 2016. i 2017.) ili od dana registracije, odnosno početka poslovanja, ako je ponuđač registriran, odnosno počeo raditi prije manje od tri godine, imao uspješno realizovane ugovore ukupne vrijednosti od minimalno 300.000,00 KM (sa PDV-om) i više, a koji su u vezi s predmetnom nabavkom (Izvođenje radova u građevinarstvu za objekte niskogradnje – tramvajska i željeznička infrastruktura).

Ponuđač nije dokazao ispunjavanje navedenog uslova prema zahtjevima iz tenderske dokumentacije, obzirom da potvrde o uredno izvršenim ugovorima na strani 126., 127., 128., i 129. ponude, ne sadrže podatke propisane odredbama člana 48. stav (3) Zakona o javnim nabavkama a koje se odnose na mjesto izvršenja ugovora.

Navedeni ponuđač u ponudi br: 04-14-37014 nije dostavio garanciju za ozbiljnost ponude, a u skladu sa zahtjevom iz tenderske dokumentacije predmetne nabavke.

2) Ponuđač Konzorcij Euro-asfalt d.o.o. Sarajevo i Bin-ing d.o.o. Beograd, nije ispunio uvjet iz tenderske dokumentacije a koji se odnosi na tražene dokaze o tehničkoj i profesionalnoj sposobnosti, prema zahtjevima iz tenderske dokumentacije- član 48.-51.



A) Ponuđač je dužan da u skladu sa članom 51. tačka a) obezbjediti dokaze da je u posljednje tri godine (2015., 2016. i 2017.) ili od dana registracije, odnosno početka poslovanja, ako je ponuđač registriran, odnosno počeo raditi prije manje od tri godine, imao uspješno realizovane ugovore ukupne vrijednosti od minimalno 300.000,00 KM (sa PDV-om) i više, a koji su u vezi s predmetnom nabavkom (Izvođenje radova u građevinarstvu za objekte niskogradnje – tramvajska i željeznička infrastruktura).

Ponuđač nije ispunio uslov iz tenderske dokumentacije obzirom da potvrda o uredno izvršenim ugovorima na strani 127. ponude, ne sadrži podatke propisane odredbama člana 48. stav (3) Zakona o javnim nabavkama a koje se odnose na vrijeme izvršenja ugovora.

Na osnovu svega navedenog, a cijeneći odredbe člana 69. stav (2) tačka d) Zakona o javnim nabavkama kojim je propisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva, donesena je odluka kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi, putem ugovornog organa u roku od 10 (deset) dana od dana prijema odluke.

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 3.500,00 KM, u skladu sa članom 108. stav 1. tačka d) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Dostaviti:

- Aspo Rail d.o.o. Sarajevo
ul. Alipašina br.53, Sarajevo
- Euro-asfalt d.o.o. Sarajevo
Ul. Rajlovac bb, Sarajevo

- Evidenciji

- Arhivi



MINISTAR

Dr. sc. Mujo Fišo



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

